

Rapport dalla seduta dil cussegl da vischnaunca digl 1 da fevrer 2022 a Breil.

Clau Schlosser arva sco president communal l'emprema seduta dil cussegl da vischnaunca per la nova perioda d'uffeci ed empeila quella entochen ch'il president dil cussegl ei elegius. Suandont quella obligaziun salida e beneventa il president Clau Schlosser, las cusseglieras ed ils cussegliers all'emprema seduta dalla nova perioda d'uffeci. El ha grond plascher d'astgar beneventar ils presents. El gratulescha per l'elecziun ed engrazia a tuts per la prontadad da s'engaschar per fatgs communal en in gremi. El selegra e spera sin ina buna collaboraziun e fa attents che la lavur el cussegl seigi da prestar en favur dil beinstar communal. Il president supplichescha da prender serius la lavur da cusseglier e sche pusseivel perender part a mintga sesida. Sche quei ei inagada buca il cass, dat ei la pusseivladat ch'in suppleant vegn en funcziun. L'annunzia dall'absenza sto denton vegnir fatga el minimum dus dis ordavon all'administraziun communal. Lezza vegn a contactar il suppleant en caussa. Mintga cusseglier ei responsabels per las decisiuns pridas el ravugl dil cussegl e quellas decisiuns ein era da purtar dil cussegl anoviars.

La gliesta da tractandas, la quala ei vegnida tarmessa tier cun l'invitaziun, vegn suttamessa alla discussiun. Demai ch'ei vegn buca fatg diever da tala ei la gliesta per la seduta da questa sera ligionta.

1. Approbaziun dil protocol dalla seduta dil cussegl dils 16 da november 2021

Il protocol ei vegnius tarmess allas cusseglieras ed a tuts cussegliers. Il president communal sutametta quel alla discussiun. Da tala vegn buca fatg diever. Consequentamein vegn il protocol approbaus unanim.

2. Elecziun dalla suprastanza dil cussegl per la perioda d'uffeci 2022

a) president/a dil cussegl

Il vischinadi da Danis fa la proposta d'eleger Corsin Albin sco president dil cussegl. Quella proposta vegn suttamessa alla discussiun ed ei vegn dau la pusseivladad da far autras propostas. Da quella pusseivladad vegn buca fatg diever ed aschia vegn passau tier l'elecziun.

Cun tscharna unanima vegn Corsin Albin elegius sco president dil cussegl da vischnaunca per igl onn 2022.

Il niev elegiu president engrazia per la confidonza e l'elecziun. El spera sin ina buna collaboraziun cun ils cussegliers ed in cumplein sustegn dalla suprastanza communal. Cun quels plaids passa el alla deliberaziun dallas tractandas tenor gliesta aprobada.

b) vice-president/a dil cussegl

Per igl uffeci da vice-presidenta vegn fatg la proposta sin cussegliera Mengia Risch da Vuorz. Autras propostas dat ei buca.

Cun tscharna unanima vegn ella elegida e confirmada per la perioda d'uffeci 2022.

c) actuar dil cussegl

Sco actuar propona la suprastanza communal il canzlist communal Curdin Cadonau. Cun tscharna unanima vegn el elegius e confirmaus per la perioda d'uffeci 2022.

d) dumbravuschs dil cussegl

Vischinadis e suprastanza han fatg neginas propostas. Perquei vegn dau liber da far propostas per dus dumbravuschs. Ord il miez dil cussegl vegn fatg la proposta sin Andrea Cathomas da Dardin e Cornelia Deplazes da Breil. Cun tscharna unanima vegnan ellas duas elegidas sco dumbravuschs per la perioda d'uffeci 2022 – 2025.

3. **Eleccziun dallas differentas cumissiuns e delegai (2022 – 2025)**

Per la perioda d'uffeci 2022 – 2025 ha il cussegl d'eleger las differentas cumissiuns e delegai. La suprastanza ha preparau tier quellas elecziuns e tarmess cun igl invit las differentas propostas. Ei vegn dau la pusseivladad da far ulteriuras propostas. Il cussegl fa per tut las differentas cumissiuns e delegai neginas ulteriuras propostas ed aschia vegnan las suandontas perunas elegidas.

a) vice-president communal

Roman Cathomas, Breil-vitg

b) cumissiun da baghegiar

Maurus Tomaschett, Breil-vitg president

Erna Cathomas-Caminada, Breil-vitg

Roman Venzin, Danis

Silvan Brunner, Vuorz

Damian Schlosser, Andiast

c) cumissiun da fiug

Roman Cathomas, Breil-vitg president

Maik Defuns, Danis cummandant

Fabian Bundi, Danis vice

Patrick Casanova, Dardin furier

Patrick Seeli, Vuorz vice

d) cumissiun da biblioteca

Gérard Carigiet, Breil-vitg

Patric Maissen, Breil-vitg

Evelina Giger, representanta scola

Raimund Caduff, Tavanasa

Flavia Schuoler, Dardin

e) cumissiun lavur da giuventetgna

Maria Luisa Middea, Andiast

Roman Cathomas, Breil-vitg

Marina Desax, Danis

Marina Maissen, Breil-vitg

Myriam Pelican, representanta scola

f) delegai SANA Surselva

Maria Luisa Middea, Andiast

g) delegai casa da tgira Sutsassiala

Clau Schlosser, Dardin

Roman Cathomas, Breil-vitg

Pius Monn, Danis

Maria Luisa Middea, Andiast

h) delegai schigentera solara da gliet Cadi

Heini Hunger, Vuorz

i) delegau Pro Lucmagn

Roman Cathomas, Breil-vitg

4. **V a r i a**

Alla radunonza communal dils 26 da november 2021 han ils presents pretendiu dalla suprastanza d'intervegnir tier la Regenza pervia dall'approbaziun dalla revisiun dil plan general d'avertura per la via da colligiaziun Vuorz – Breil. Ils 16 da december 2021 ha il cussiglier guvernativ Marcus Caduff rispundiu che la vischnaunca sappi spetgar sin ina decisiun dalla Regenza il fevrer / mars 2022.

Corsin Albin engrazia per la preschientscha e la partizipaziun, e giavischa allas cusseglieras ed als cussegliers in bien retuorn a casa e siara la seduta allas 20.30 uras.

Breil, ils 2 da fevrer 2022

Il president

Corsin Albin

Igl actuar

Marcus Caduff